

Alta California Regional Center



Nkag Siab Txog Kev Txiav Txim Rau

Lwm Tus

Phau Ntawv Pab Rau Tsev Neeg

4 Hlis Xyoo 2008

***Alta California Regional Center xav ua tsaug rau Harbor
Regional Center uas tseem pub tej ntaub ntawv qhia rau
peb uas thiaj pab peb sau tau phau ntawv no***

Thaum koj tus menyuam muaj 18 xyoo lawm, raws li txoj cai, yuav muab xam tias nws yog ib tus neeg laus lawm thiab yuav muaj lub peev xwm los txiav txim tau rau nws tus kheej txog nws lub neej uas lwm tus neeg laus uas tsis muaj kev loj hlob kawm qeeb ua tau. Tej no muaj xws li, kev txiav txim kho mob twg, kev txiav txim txaus siab nkag mus yuav khoom lossis tej kev pab twg, los yog kev txiav txim los mus yuav txij yuav nkawm thiab muaj metub menyuam. Txoj cai yuav tsis txwv ib tus twg uas txawv – txwv nws tej cai uas nws muaj – tab txawm tias nws muaj kev loj hlob kawm qeeb (developmental disabilities). Tiamsis vim koj tus menyuam loj hlob kawm qeeb, tej zaum koj yuav txhawj tias nws yuav tsis txawj txiav txim tau zoo raws li txoj cai pub rau cov menyuam puv 18 xyoo uas yog ib tus neeg laus lawm.

Yog tias koj txhawj heev sijhawm ntev mus tias tsam koj tus menyuam tsis txawj txiav txim zoo rau nws tus kheej, kuj muaj cai rau koj los mus txwv nws tej kev txiav txim siab thiab. Muab hu tias *kev txiav txim rau lwm tus (conservatorship)*. Phau ntawv no yuav qhia txog tej hom kev txiav txim rau lwm tus uas muaj rau cov neeg uas nyob hauv California. Nws yuav piav txog tej yam uas qhov kev txiav txim rau lwm tus yuav txwv tau tus neeg uas loj hlob kawm qeeb los mus txiav txim rau nws tus kheej lub neej. Phau ntawv no kuj piav qhia lwm txoj ke uas tsis tas yuav muaj kev txiav txim rau lwm tus rau tej tsev neeg uas xav tiv thaiv lawv tus tub lossis ntxhais uas muaj kev loj hlob kawm qeeb, kom txhawb nws ywj pheej thiab muaj peev xwm.

Conservatorship yog dabtsi?

Conservatorship yog kev txiav txim rau lwm tus uas yog ib txoj kev raug cai uas muab lwm tus los ua tus txiav txim rau lwm tus vim tus neeg ntawd txiav txim tsis tau rau nws tus kheej. Tus neeg uas muaj cai los txiav txim yog hu tias tus *conservator* thiab tus neeg uas lwm tus yuav txiav txim rau muab hu tias *conservatee* lossis muab hais tias nws *conserved*. Qhov no yog ib yam uas tus txiav txim tom xam mam li txiav txim seb tus neeg no puas tsim nyog nyob rau qhov conserved, lossis them ceev tseg.

Lub xeev California paub txog 3 hom kev txiav txim rau lwm tus, tiamsis tsuas yuav tham txog 2 hom uas muaj feem rau tej kev sib tham no xwb: *General Conservatorship* thiab *Limited Conservatorship*. Hom 3, Lanterman- Petris-Short (LPS) Conservatorship tsuas muaj feem rau ib tus neeg twg uas muaj mob puas hlwb kev xav hnyav heev xwb.

Qhov Kev Txiaiv Txim Rau Lwm Tus Feem Ntau (General Conservatorship) kuj yuav raug rau ib tus twg uas muaj ib yam xiam oob qhab twg ho qhov Kev Txiaiv Txim Rau Lwm Tus Feem Txwv (Limited Conservatorship) yog tsim rau cov uas muaj kev loj hlob kawm qeeb. Cia peb kawm mus ntxiv txog ob hom no.

Key Txiaiv Txim Rau Lwm Tus Feem Ntau: Hom Kev Txiaiv Txim Rau Lwm Tus Feem Ntau kuj raug rau ib tus neeg twg uas muaj ib yam xiam oob qhab uas cuam tshaum nrog nws txoj kev txiav txim siab. Xws li, ib tus neeg laus uas mob dementia, lub hlwb cim xeeb tsis zoo ces kuj tso tau rau hauv qhov kev txiav txim rau lwm tus feem ntau. Nyob rau hom kev txiav txim rau lwm tus no, tog uas lav yuav yog *tus txiav txim rau tus neeg (conservator of the person)* lossis *tus txiav txim rau nws teej tug (conservator of the estate)*, lossis ob yam tibsi. Qhov txawv ntawm ob hom no nyob rau ntawm nws lub npe. Kev txiav txim *rau tus neeg* muaj cai rau tus txiav txim los mus txiav txim seb yuav tu xyuas tus neeg no li cas (e.g., kev kho mob, qhov twg thiab nws yuav nyob li cas). Kev txiav txim *rau teej tug* yuav hais txog tus neeg ntawd li nyiaj xiaj thiab vaj tse.

Ua ntej lub tsev hais plaub yuav txiav txim ib tus neeg twg los txiav txim rau lwm tus neeg, tog uas xav tau kev txiav txim rau lwm tus yuav tsum muaj pov thawj rau lub tsev hais plaub tias tus neeg conservatee yeej pab tsis tau nws tus kheej xws li zaub mov, khaub ncaws lossis vaj tse,

thiab kev kho mob. Ib yam li ntawd, yog xav ua tus txiav txim rau teej tug, tog uas xav tau kev txiav txim rau lwm tus yuav tsum muaj pov thawj tias tus neeg ntawd yeej tswj tsis tau nws tej nyiaj txiag, lossis yuav raug kev dag noj lossis “dag ntias” los ntawm lwm tus neeg uas tsis vam qhov zoo rau tus neeg ntawd.

Kev Txiav Txim Rau Lwm Tus Feem Txwv: Hom Kev Txiav Txim Rau Lwm Tus Feem Txwv tsuas raug rau cov neeg laus uas muaj kev loj hlob kawm qeeb, uas muaj raws li txoj cai hauv California. Thaum tso npe thov kev txiav txim rau lwm tus rau ib tus neeg twg uas muaj kev loj hlob kawm qeeb, daim ntawv thov yuav tsum yog kev txiav txim rau lwm tus feem txwv, tab txawm tias tus txiav txim tom xam muaj cai hais kom muaj Kev Txiav Txim Rau Lwm Tus Feem Ntau.

Qhov kev tiv thaiv yuav “txwv” tias tus txiav txim rau lwm tus muaj cai los txiav txim rau tej feem uas lub tsev hais plaub pom zoo tus neeg muaj kev loj hlob kawm qeeb xav tau kev pab. Yog li ntawd, tus txiav txim tom xam yuav tsum txiav txim ib yam ntxiv rau 7 txoj cai hauv qab no:

- Qhov muaj cai txiav txim seb nws yuav nyob qhov twg thiab nrog leejtwg nyob
- Qhov muaj cai los nkag tau rau tej ntaub ntawv uas muab ceev tseg (kev kawm ntawv, kev kho mob, lwm yam)
- Qhov muaj cai yuav txij yuav nkawm
- Qhov muaj cai nkag txaus siab rau ib daim ntawv cog lus
- Qhov muaj cai txaus siab rau kev kho mob twg
- Qhov muaj cai mus sib raug zoo nrog lwm tus lossis sib deev
- Qhov muaj cai txiav txim rau tus kheej txog nws txoj kev kawm ntawv.

Hom Kev Txiav Txim Rau Lwm Tus Feem Txwv yuav txwv tus txiav txim mentsis vim tus neeg uas lwm tus yuav txiav txim rau kuj yuav muaj feem los txiav txim ob peb yam txog nws lub neej rau nws tus kheej thiab. Qhov no yuav txhawb nws ywj pheej thiab muaj peev xwm li nws ua tau.

Ob hom kev txiav txim rau lwm tus no yuav tsis pub siv los mus tswj cwj pwm lossis txwv tej kev txiav txim rau lub neej (lifestyle choices)

Leejtwg thiaj li ua tau tus conservator?

Thaum ib tus txais kev pab cuam hauv koom haum regional center tau nyob rau them ceev tseg, feem ntau yuav yog leej niam leej txiv lossis tus nus muag los ua tus txiav txim rau (conservator). Kuj tsis muaj cai hais tias tus txiav txim rau lwm tus yuav tsum yog tsev neeg txheeb ze, tiamsis ib tus txheeb ze ces kuj ntseeg siab dua. Kuj muaj tej neeg txiav txim rau lwm tus neeg uas tshaj lij ua tau yog tias koj ntiav nws, tiamsis kev xaiv tus neeg no yog ib yam nyuaj heev. Tej koom haum xws li Department of Developmental Services lossis chav ua haujlwm rau tus neeg tu xyuas kuj yuav ua tau tus txiav txim rau ib tus twg uas tsis muaj leejtwg yuav los txiav txim rau nws.

Yog tias koj tseem tab tom xav tias yuav nug koj ib tus menyuum twg los ua tus txiav txim rau nws tus nus muag uas muaj ib yam kev xiam oob qhab twg, peb txhawb kom koj nrog nws tham kom zoo zoo ua ntej txog nws sijhawm los mus tuav txoj haujlwm no. Hom no kuj zoo rau tej txhia tsev neeg, tiamsis yam uas yog tus txiav txim rau lwm tus yuav yog ib lub luag haujlwm hnyav rau ntu zus. Koj yuav tsum paub zoo tias tus nus muag no yeej nkag siab txog nws lub luag haujlwm thiab yeej txaus siab hlo ua.

Kuv yuav tsum xav txog dabtsi thaum txiav txim txog qhov kev txiav txim rau lwm tus (conservatorship)?

Yog tias koj tseem tab tom xav txog qhov lwm tus txiav txim rau koj tus tub lossis ntxhais, peb txhawb koj xav txog tej lus nug hauv qab no:

- 1) *Puas yog cov neeg uas tau muab kev pab yav tas los lossis ho tau ua haujlwm nrog peb tus tub lossis ntxhais xav kom muaj lwm tus txiav txim rau nws? Qho zaus, lwm tus neeg uas nyob sab nraud kuj ntsuas pom koj tus menyuam ntau zaus thiab kuj paub qhia seb puas pab tau koj txiav txim. Nrog koj tus pab taw qhia ACRC counselor tham, koj tus menyuam cov xibhwb qhia ntawv, tus qhia ua haujlwm, lossis lwm tus neeg uas muab kev pab rau nws thiab nug lawv qhia txog koj tus menyuam txoj kev txiav txim. Lawv kuj yuav pom tias nws kuj tseem muaj peev xwm txiav txim rau nws tus kheej uas tej zaum koj tsis tau pom dua.*
- 2) *Puas muaj lwm yam peb pab txiav txim tau yam uas tsis tas mus tom tsev hais plaub kom muaj lwm tus los ua tus txiav txim? Kuj muaj lwm txoj kev los pab txiav txim rau lwm tus rau cov niam txiv uas txhawj txog lawv tus menyuam txoj kev noj qab nyob zoo yav tom ntej. Xws li, qhov siv “Assignment of Educational Decision Making” kuj yuav yog ib yam kev pab uas zoo heev rau koj los koom nrog koj tus menyuam kev kawm ntawv thiab kev kho mob. Qhov no thiab lwm txoj ke no yuav muab piav hauv qab.*
- 3) *Puas qhia tau peb tej kev txhawj xeeb nyob rau hauv rooj sib tham IPP nrog pab pawg muab tswv yim?*

Koj tus ACRC Service Coordinator lossis cov neeg ua haujlwm muaj kev pab rau koj tus tub lossis ntxhais kuj yuav muaj tswv yim pab teb tau koj tej kev txhawj xeeb, feem ntau yog hais txog cov teeb meem xws li kev sib raug zoo nrog lwm tus thiab kev sib deev thiab kev txaus siab nkag tej ntawv cog lus.
- 4) *Yog tias peb txiav txiam siab mus ua qhov lwm tus txiav txim rau nws, feem twg yuav yog feem uas peb xav tias nws yuav tsum tau peb txoj kev pab thiab feem twg yuav yog feem uas peb pub nws txiav txim tau rau nws tus kheej mentsis thiab? Hom Kev Txiaiv Txim Rau Lwm Tus Feem Txwv yeej yog tsim los rau cov neeg uas muaj kev loj hlob kawm qeeb kom thiaj tso lawm txiav txim tau rau lawv tus kheej yam uas tsim nyog. Xws li, tab txawm tias tus neeg ntawd ho tsis muaj peev xwm los txiav txim zoo txog ib yam kev kho mob twg los, tiamsis, yog koj pab taw qhia thiab txhawb nws, ces nws kuj txawj txiav txim seb nws yuav nyob qhov twg thiab nws yuav nrog leejtwg nyob.*

Lwm txoj ke uas tsis yog los txiav txim rau lwm tus yog li cas?

Qhov ua kom tau ntaub ntawv los txiav txim rau lwm tus neeg yog ib yam uas raug cai thiab siv sijhawm ntev mentsis thiab kuj raug them nyiaj. Ntxiv thiab, feem ntau cov tibneeg uas xav lig tej ntaub ntawv no yuav tau ntiav ib tus kws lij choj los mus ua kom tiav tej ntaub ntawv.

Qhov uas muaj cai los txiav txim rau lwm tus yog ib yam uas siv tau thiab tsim nyog rau tej tse neeg uas xav kom muaj ib tug los nyob ntawd pab lawv tus tub lossis ntxhais tom qab uas tsis muaj lawv ua neej nyob lawm. Tiamsis, nws kuj tsis yog tib txoj ke uas cov niam txiv thiaj muaj los pab daws lawv tej kev txhawj xeeb txog lawv tus menyuam lub neej yav tom ntej xwb. Ua ntej yuav ua ntaub ntawv los muaj cai txiav txim rau lwm tus, tsev neeg yuav tsum ua tib zoo xyuas lawv tus menyuam txoj kev txiav txim uas nws ua tau raws li 7 yam uas piav tag los no, seb nws txiav txim tau nws tus kheej lossis yuav tsum tau muaj tus pab. Lawv kuj ntsuam xyuas ntxiv lwm txoj ke uas yuav tiv thaiv lawv tus menyuam txoj kev noj qab nyob zoo uas nws muaj cai muaj.

Tau ntau xyoo dhau los, peb tau pom tias, yog tias tsev neeg sib tham zoo txog tej kev txhawj xeeb no nrog lawv koom haum kev ntseeg lossis lwm tus neeg tshaj lij, lawv tsim tau lwm txoj kev pab uas tiv thaiv tau lawv txiav txim tau rau menyuam thiab tiv thaiv lawv tus menyuam los muaj peev xwm thiab ywj pheej txiav txim rau nws tus kheej.

Hauv qab no, peb yuav piav mentsis txog tej qauv zoo uas tej txhia tsev neeg tau ua dhau los thiab pab tau lawv tus tub lossis ntxhais uas yog neeg laus lawm los txiav txim tau rau nws tus kheej thiab kuj tiv thaiv lawv los ntawm kev raug mob thiab raug quab yuam.

Kev Txiav Txim Txog Kev Kawm Ntawv: Koj tus menyuam uas xiam oob qhab, tej zaum yuav kawm ntawv nrog lwm leej lwm tus hauv zej hauv zos coos kuaj nws muaj 21 xyoos. Thaum nws muaj 18 xyoo lawm, tag nrho tej kev txiav txim txog kev kawm ntawv yuav hla ntawm koj mus rau nws lawm, tshwj tsis yog txoj cai hauv California hais tias nws tsis muaj peev xwm txiav txim. Tej zaum yuav nyuaj rau koj vim tias koj yeej ib txwm yog tus txiav txim npaj kev kawm ntawv rau koj tus menyuam thiab kuj tseem xav ua li ntawd.

Kuj muaj ib txoj ke uas koj txiav txim tau txuas mus ntxiv tom qab koj tus menyuam puv 18 xyoo uas yeej zoo siv tau thiab tsis kim thiab nyuaj npaum li ua ntaub ntawv kom muaj cai txiav txim rau lwm tus. Yuav tau kom koj tus tub lossis ntxhais xees npe rau daim “Assignment of Educational Decision Making,” qhov no yuav tso cai rau koj los koom kev txiav txim txog kev kawm ntawv rau koj tus menyuam. (Koj yuav tsum tso npe rau daim ntawv no txhua xyoo uas koj tus menyuam tseem kawm ntawv.) Peb tau muab daim ntawv no ua qauv rau koj saib nyob tom qab phau ntawv no. Muab daim ntawv no rho tawm ua qauv los ntawm lub vej xaij (website) Protection and Advocacy, Inc, California, www.pai-ca.org. Peb tau nrhiav pom tias ntau tus neeg ua haujlwm tom tsev kawm ntawv tsis paub txog daim ntawv no, ces koj yuav tau qhia cov neeg ua haujlwm tom koj tus menyuam lub tsev kawm ntawv mus rau lub vej xaij PAI.

Kev Sib Raug Zoo Nrog Lwm Tus thiab Kev Sib Deev: Tej txhia tsev neeg npaj siab tias yuav ua tus txiav txim rau lawv tus menyuam vim tias lawv txhawj txog nws txoj kev sib raug zoo nrog lwm tus thiab kev sib deev uas lawv tus menyuam kuj yuav muaj thaum nws ua neeg laus lawm. Qee zaus, cov niam txiv ntseeg tias lawv tus tub lossis ntxhais yuav tsis paub xyuam xim thiab tsis txawj tuav ib qho kev sib ze heev los ntawm kev nkauj kev nraug.

Ntau tus neeg uas muaj kev loj hlob kawm qeeb kuj muaj hluas nkauj hluas nraug, thiab ib txhia ho txiav txim sib yuav. Lwm txoj kev uas tsis tas ua ntaub ntawv txiav txim, koj kuj nrog koj tus ACRC Service Coordinator tham txog tej koom haum uas muaj los ntawm koom haum regional center to pab cov nto hluas kawm paub txog kev sib tham ua nkauj raug, kev sib deev, thiab tsim tau tej kev sib raug zoo uas txhawb tau zog. Koj tus pab taw qhia (counselor) kuj mam qhia koj txog tej xwm no uas lwm tsev neeg tau ua dhau los lawm. Qhov chaw ACRC Kelso Library kuj yog ib qho chaw ntxiv uas yuav pab tau koj nrhiav tej phau ntawv, yeeb yaj kiab, thiab DVD uas ntsig txog tej no.

Koj kuj muaj lub luag haujlwm tseem ceeb los nrog koj tus menyuam tham txog kev sib raug zoo nrog lwm tus. Kev sib tham kev nkag siab, kev npaj zoo, thiab kev kawm uas tsim nyog, yuav pab tau nws paub txog yuav ua li cas nrog tej kev sib raug zoo sab nraud uas yuav tshwm sim rau nws. Cov neeg ACRC tshaj lij thiab lawv tej neeg ua haujlwm rau lawd uas koom pab koj tus menyuam kuj yuav muaj tswv yim qhia seb yuav tham mus li cas.

Kev Tso Cai Kho Mob: Tej txhia tsev neeg nrhiav ua ntaub ntawv txiav txim rau lawv tus menyuam vim lawv xav muaj cai los mus tso cai xaiv yam kev kho mob rau lawv tus menyuam uas kho kom tsis txhob voos kab mob (preventative care) lossis tej kev kho mob uas tsim nyog. Qhov no kuj tsis tseem ceeb yog tias koj yeej koom tes nrog tus kws kho mob uas kho koj tus menyuam. Kev tswj koom nrog tej kws kho mob yuav pab kom koj muaj feem los txiav txim kev kho mob thaum koj tus menyuam hla mus ua neeg laus lawm, ces yog nws tso cai, koj yeej muaj cuab kav los txiav txim kev kho mob rau nws.

Kev Cog Lus Txog Nyiaj Txiag thiab Ntawv Cog Lus: Qee zaus, tej tse neeg ntseeg tias lawv yuav tau ua ntaub ntawv los txiav txim kom thiaj cheem tau lawv tus menyuam los nkag rau tej ntawv cog lus uas raug cai (xws li credit card, xov tooj ntawm tes, lwm yam) uas yuav quab yuam lossis nws yuav tsis muaj peev xwm them taus. Thawj yam uas yuav pab tau qhov teeb meem no yog qhia kom koj tus menyuam txawj thiab ntse txog kev yuav thiab siv khoom. Koj kuj pib qhia nws txog tej yam khoom uas nws yuav pom lawv xa ua ntawv tuaj kom yuav (offers in mail), lossis hauv e-mail thiab qhov teeb meem tshwm sim tau tom qab nws xees npe rau ib daim ntawv twg yam uas twb tsis tau nrog ib tus neeg laus uas nws ntseeg siab tham tso. Koj kuj txhawb tau koj tus menyuam lub tsev kawm ntawv los muab kev kawm txog kev txuag nyiaj thiab kev tswj nyiaj txiag los rau nws kawm thiab ua nws lub hom phiaj hauv IEP.

Yog koj txiav txim tias koj tus menyuam yeej yuav tau muaj neeg pab nws tswj nyiaj txiag tas li, koj npaj tau kom muaj ib tug los ua nws tus neeg sawv cev them rau nws “representative payee.” Tus no yuav yog tus txheeb ze lossis ib tus phoojywg uas ntseeg tau siab, lossis koom haum pab txais nyiaj rau nws (payee service agency) uas yuav los txais nws li nyiaj Xaus Saus (Supplemental Security Income (SSI)) los siv rau nws. Ntaub ntawv hais txog tus neeg sawv cev them rau nws muaj nyob rau hauv lub vej xaij <http://www.ssa.gov/pubs/10076.html>.

Yog tias koj tus menyuam ho txaus siab rau ib daim ntawv cog lus twg uas koj ntseeg tias nws twb tsis nkag siab puab zoo txog lossis nws yeej yuav tsis ua raws li, tej zaum yuav zoo rau koj nrog koj tus kws pab taw qhia ACRC Service Coordinator txog qhov tso npe thov xa mus rau koom haum Office of Clients Rights Advocacy kom lawv pab thim lus rau daim ntawv cog lus lossis tso nws dim ntawm tej yam kev raug cai uas nyob rau hauv daim ntawv cog lus.

Yog tias kuv xav tau kev txiav txim rau lwm tus, koom haum regional center puas muaj feem raus tes?

Yog tias koj xav tau Kev Txiav Txim Rau Lwm Tus Feem Txwv rau koj tus tub lossis ntxhais uas yog ib tus txais kev pab cuam hauv regional center, lub tsev hais plaub yuav nug peb muab ntaub ntawv txog qhov peb xav li cas txog koj tus menyuam kev cheem tsum ib tus neeg los txiav txim rau nws raws li 7 txoj kev. Nws tus kws pab taw qhia Service Coordinator yuav ntsuam xyuas qhov IPP, tej kev ntsuam xyuas lub hlwb kev xav thiab kev kho mob uas yog tam sim no, thiab lwm txoj kev ntsuam xyuas uas los ntawm cov neeg tu nws. Yog tias tsim nyob, tus Service Coordinator kuj yuav npaj rau lwm txoj kev ntsuam xyuas ntxiv. Tom qab tau tag nrho tej ntaub ntawv lawm, tus kws pab taw qhia mam li sau ib tsab ntawv nrog rau koom haum regional center txoj kev xav li cas txog ntawm nws txoj kev txiav txim nyob rau xya yam ntawd. Vim peb yeej paub tias tsev neeg yeej xaiv ua qhov no vim lawv txhawj txog kev noj qab nyob zoo thiab kev xyuam xim rau lawv tus menyuam uas yog neeg laus thiab xiam oob qhab, Alta California Regional Center yeej ib txwm txhawb tsev neeg txoj kev txiav txim rau tej zoo li no. Nyob rau tej txhia sijhawm, peb yuav tsis pom zoo tias tus menyuam (consumer) yuav tsim nyob tau ib tus los txiav txim rau nws lossis tias tag nrho kev txiav txim yuav raug xya yam ntawd raws li tsev neeg tau hais qhia tuaj, thiab peb yuav qhia raws li peb pom zoo rau tsev neeg thiab lub tsev hais plaub. Tej uas peb nrhiav pom thiab hais nyob rau hauv daim ntawv kuj tsis yog yuav los txiav txim raws li lub tsev hais plaub yuav hais kom ua.

Kuv yuav mus nrhiav ntaub ntawv qhia txog kev txiav txim rau lwm tus nyob qhov twg?

Yog tias koj tab tom pib xav txog ua ntaub ntawv txiav txim rau lwm tus, yuav zoo rau koj mus

nrog ib tus kws lij choj uas paub txog tej cai ntsig txog qhov no thiab tej kauj ruam yuav tsum tau ua los thiaj tau ntaub ntawv txiav txim rau lwm tus. Yog tias, tom qab koj twb ntsuam xyuas txog lwm txoj ke lawm, koj ntseeg tias qhov zoo tshaj yog ua ntaub ntawv txiav txim rau koj tus tub lossis ntxhais thiab koj tsev neeg, peb txhawb kom koj nrog koj tus kws taw qhia Service Coordinator tom regional center tham. Nws kuj yuav hais kom teem ib lub sijhawm sib tham nrog tus kws lij choj uas yuav pab tau koj nkag siab dau. Koj tus Service Coordinator kuj yuav pab taw qhia koj mus rau tej ntaub ntawv nyob hauv ACRC Kelso Library uas muaj phau ntawv, yeeb yaj kiab, thiab ntawv me qhia txog kev ua ntaub ntawv txiav txim rau lwm tus thiab yuav ua li cas thiaj ua tau.

Ntawv Cim Tseg Thaum Kawg...

Nyob hauv Alta California Regional Center peb paub tias muaj ntau tsev neeg muaj tej lus nug txog seb yuav txhawb lawv tus menyuam txoj kev ywj pheej li cas thiab kuj tseem yuav pab tiv thaiv tau lawv kom tsis txhob raug teeb meem. Kev ua ntaub ntawv txiav txim rau lwm tus yog ib yam uas yuav pab tiv thaiv los ntawm tej kev txiav txim tsis zoo. Yog vim li no, peb xav kom txhua leej txhua tus hauv tsev neeg paub txog yam kev raug cai no. Peb kuj paub ntixiv thiab tias, kev txiav txim rau lwm tus neeg yuav txwv tau ib tus neeg laus txoj kev ywj pheej yam uas tsis tsim nyog.

Alta California Regional Center ruaj siab los txhawb kev sib raug zoo sijhawm ntev mus nrog cov neeg uas muaj kev loj hlob kawm qeeb thiab lawv tsev neeg nrog rau cov neeg laus uas tau txais kev pab cuam kom lawv nyob lub neej muaj pos muaj ntsis thiab ywj pheej. Peb txhawb koj tshawb nrhiav xav zoo txog lwm txoj kev los pab koj tus menyuam ua ntej koj yuav xav ua ntaub ntawv txiav txim rau nws. Peb yuav pab txhawb txhua yam thiab pab taw qhia kom pab tau koj txiav txim tau zoo raws li qhov tsim nyog.

**ASSIGNMENT OF EDUCATIONAL
DECISION-MAKING AUTHORITY**

California Education Code Section 56041.5

I, _____, having reached the age of 18 years, having never been determined to be incompetent for any purpose by a court of competent jurisdiction, and having received, at the age of majority, all educational decision-making authority pursuant to California Education Code Section 56041.5, hereby authorize my parent, _____, to make any and all decisions for me regarding my entitlement to a Free Appropriate Public Special Education. Such authority shall include, but is not limited to:

1. Filing complaints with any public agency, such as the California Department of Education and U.S. Department of Education, Office for Civil Rights;
2. Initiating and pursuing special education due process proceedings pursuant to Cal. Education Code Sec. 56500, et seq. and any judicial appeals thereof;
3. Attending IEP meetings and due process mediations and pre-due process mediations and signing IEP documents and mediation agreements with the same legal effect and authority as I would have absent this assignment;
4. Authorizing or refusing to authorize assessments, services, or placements;
5. Obtaining copies of any of my educational, psychological, medical, behavioral, or juvenile justice records, or any other materials and information related in any way to my special education, related services, supplementary aids and services, or transition services;
6. Receiving information orally from any individual or agency (public or private) regarding my special education rights or services;
7. Exercising any other right or action on my behalf concerning my education with the same authority as I would have absent this assignment.

A photocopy or facsimile of this document shall have the same effect as the original.

Dated: _____

Source: http://www.pai-ca.org/pubs/505001.htm#_Toc122236172